



Infurmaziuns

per ils geniturs resp. las personas responsablas per l'educaziun concernent ils examens d'admissiun en la 3. classa dal gimnasi sco er en la 1. classa da la scola media spezialisada, da la scola media d'informatica e da la scola media commerziala a las scolas medias grischunas

1. Basa legala

Per ils examens d'admissiun en la 3. classa dal gimnasi sco er en la 1. classa da la scola media spezialisada, da la scola media d'informatica e da la scola media commerziala (SMS, SMI ed SMC) vala l'Ordinaziun davart la procedura d'admissiun a las scolas medias (Ordinaziun d'admissiun a las scolas medias; DG 425.060). L'ordinaziun po vegnir retratga tar ils secretariats da las differentas scolas medias u chargiada giu da l'internet (p.ex. <http://www.ahb.gr.ch>).

2. Termin d'annunzia e data d'examen

La perioda per l'annunzia electronica per ils examens, l'ultim termin d'annunzia sco er la data da l'examen chattais Vus online sut www.ahb.gr.ch > Rumantsch > Examens d'admissiun.

S'annunziar ston ins online sut www.zap.gr.ch. La taxa d'examen importa 100.– francs. Sch'il termin da pajament na vegn betg observà, na chaschuna quai betg l'exclusiun da l'examen, effectuescha però la procedura d'incasso (admoniziun, scussion e.u.v.).

Sche l'annunzia vegn fatga memia tard, è ina participaziun als examens d'admissiun esclusa (art. 6 al. 3 Ordinaziun d'admissiun a las scolas medias).

Durant la 2. e 3. classa dal stgalim secundar I èsi pussaivel da s'annunziar per l'examen d'admissiun en la 3. classa dal gimnasi sco er en la 1. classa da la scola media spezialisada, da la scola media d'informatica e da la scola media commerziala.

Durant la 1. classa dal stgalim secundar I n'èsi betg pussaivel da s'annunziar per l'examen d'admissiun en la 3. classa dal gimnasi sco er en la 1. classa da la scola media spezialisada, da la scola media d'informatica e da la scola media commerziala.

3. Emprima lingua

Tenor l'art. 6 al. 2 da l'Ordinaziun d'admissiun a las scolas medias decleran las candidatas ed ils candidats – a chaschun da l'annunzia ed ensemen cun lur personas responsablas per l'educaziun – ina da las linguas chantunalas sco lur emprima lingua, q.v.d. sco quella lingua, en la quala els vulan vegnir examinads.

4. Roms d'examen

A l'examen d'admissiun vegnan las candidatas ed ils candidats examinads en

- l'emprima lingua (tenor la decleraziun a chaschun da l'annunzia)
- anglais
- aritmetica & algebra (dumondas d'examen en tudestg ed en talian)
- geometria (dumondas d'examen en tudestg ed en talian)

5. Pretensiuns

Las pretensiuns per l'admissiun en ina scola media grischuna èn descrittas pli detagliadamain en las «Disposiziuns davart las enconuschientschas preliminaras». Quellas pon vegnir retratgas tar ils secretariats da las singulas scolas medias u chargiadas giu da l'internet (p.ex. <http://www.ahb.gr.ch>). Infurmaziuns respectivas dattan er las persunas d'instrucziun da la scola populara cedenta sco er las singulas scolas medias.

6. Criteris d'admissiun

Tenor l'art. 22 al. 1 cifras 2 e 3 Ordinaziun d'admissiun a las scolas medias sto vegnir cuntanschida ina media d'examen da 4.50 per reussir l'examen en la 3. classa dal gimnasi ed ina media da 4.00 per reussir l'examen en la SMC, SMI u SMS. En tut las partiziuns na dastgan ultra da quai las divergenzas envers las notas dals roms d'examen – da la nota 4 vers engiu – betg importar dapli che 0.75 puncts.

7. Nota d'admissiun

Las candidatas ed ils candidats che absolvan l'examen d'admissiun durant la 2. classa secundara, han il dretg ch'i vegnia resguardada ina nota d'admissiun. Tut las autras candidatas ed ils auters candidats n'han betg quest dretg.

La nota d'admissiun vegn calculada tenor las disposiziuns vertentas en l'Ordinaziun davart la procedura d'admissiun a las scolas medias (art. 17 al. 1 fin 3 Ordinaziun d'admissiun a las scolas medias). Questas disposiziuns sa cloman sco suonda:

La nota d'admissiun a la 3. classa gimnasiala respectivamain a la 1. classa da la scola media commerciala, da la scola media d'informatica u da la scola media spezialisada vegn calculada a maun da l'emprim attestat da semester da la 2. classa secundara sco media arrundada sin duas cifras suenter il punct da las notas dals roms: geografia, istorgia, natira e tecnica, art figurativ, chant e musica, moviment e sport, segunda lingua. Sco segunda lingua vala per scolaras e scholars da scolas u da classes bilinguas ina da las duas linguas chantunalas che vegnan duvradas sco lingua d'instrucziun.

8. Entrada en la scola media commerciala, en la scola media d'informatica u en la scola media spezialisada

Las candidatas ed ils candidats che absolvan e reusseschan l'examen d'admissiun durant la 2. classa dal stgalim secundar I, entran il **surproxim** onn da scola en la scola media commerciala, en la scola media d'informatica u en la scola media spezialisada. Il 9. onn da scola vegn anc absolvi en la scola populara.

Las candidatas ed ils candidats che absolvan e reusseschan l'examen d'admissiun durant la 3. classa dal stgalim secundar I, entran il proxim onn da scola en la scola media commerciala, en la scola media d'informatica u en la scola media spezialisada.

9. Cumpensaziun da dischavantatgs

Per far valair ina cumpensaziun da dischavantatgs vegni renvià a la Disposiziun da l'Uffizi per la furmaziun media-superiura dal 1. da fanadur 2024 concernent il relasch da las directivas davart la cumpensaziun da dischavantatgs tar ils examens d'admissiun ad ina scola media grischuna (cf. www.mittelschulen.gr.ch > Rumantsch > Documentaziun > Leschas ed ordinaziuns).

10. Cumportament en cas da malsogna u en cas d'impediments fisics e psychics

- Sch'ina candidata u in candidat ha problems da sanadad u impediments, ston quels vegnir communitgads, sche pussaivel, a medem temp cun l'annunzia, il pli tard dentant **avant** che l'examen ha lieu, e quai tant a la direcziun al lieu d'examen sco er al secretariat d'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch), cun agiuntar in attestat dal medi.
- Candidatas e candidats che na pon betg participar a l'examen pervia da problems da sanadad imprevis u pervia d'in accident, ston communitgar quai uschè svelt sco pussaivel, il pli tard dentant **avant** che l'examen ha lieu, tant a la direcziun al lieu d'examen sco er al secretariat d'examen (Uffizi per la furmaziun media-superiura, Grabenstrasse 1, 7001 Cuira; support@zap.gr.ch), cun agiuntar in attestat dal medi.
- Candidatas e candidats che na pon betg cuntinuar cun ils examens **durant** che quel ha lieu, pervia da problems da sanadad imprevis u pervia d'in accident, ston communitgar quai immediatamain a la direcziun dal lieu d'examen ed appurtar **anc il medem di** in attestat dal medi. A medem temp sto vegnir infurmà il secretariat d'examen (Uffizi per la furmaziun media-superiura, Grabenstrasse 1, 7001 Cuira, support@zap.gr.ch).
- Problems da sanadad u impediments che vegnan fatgs valair memia tard resp. posteriuramain na pon betg vegnir resguardads. Spezialmain candidatas e candidats che fan l'examen d'admissiun e che san, ch'els han ina restricziun existenta da la sanadad u in impediment, n'han nagin dretg d'annullar resp. da repeter l'examen.

11. Examen supplementar

La cumissiun dals examens d'admissiun decida – resguardond che las disposiziuns menziunadas qua survar vegnian observadas (guardar cifra 10) – davart l'admissiun a l'examen supplementar e davart la dimensiun da quel.

Ils examens supplementars han lieu en la scola media chantunala a Cuira (Scola chantunala grischuna). La data da l'examen supplementar chattais Vus online sut www.ahb.gr.ch > Rumantsch > Examens d'admissiun.

12. Material e meds d'agid

Als examens ston las candidatas ed ils candidats purtar cun sai in document d'identitad valaivel (carta d'identitad, passaport u document da legitimaziun da persunas estras), material da scrire, incl. ina colur verda (per marcar las soluziuns en las dumondas da geometria), in calculatur da giaglioffa, in circol, ina lingera ed in geotriangul.

Per l'examen dastgan vegnir duvrads mo ils documents d'examen (nagin agen palpìri da notizias). Tut las dumondas ston vegnir schliadas directamain sin ils documents d'examen.

Ils examens ston vegnir scrits cun **culli u tinta(en blau u nair)** (excepziun: dissegns geometrics). Stilografs Pilot n'èn betg permiss.

Cun excepziun da la construcziun da soluziuns geometricas en il rom d'examen geometria n'èsi betg permiss da duvrar in rispli.

Als examens èsi scumandà da duvrar meds d'agid che n'èn betg admiss expressivamain (per exempel vocabularis monolings u bilings, vocabularis electronics, handys u smartwatches). Igl è admiss da duvrar fieuters fluorescents, la lingera ed il geotriangul.

En ils roms d'examen emprima lingua, englais sco er aritmetica & algebra n'èn admiss nagins meds d'agid. Lingera, geotriangul e fieuters fluorescentes dastgan dentant vegnir duvrads.

En il rom d'examen geometria dastgan ins duvra in **calculatur da giaglioffa senza CAS, che n'è betg programmabel e che na sa betg preschentar graficas**. As atschertai per plaschair a temp avant il cumenzament da l'examen d'admissiun, che Voss calculatur da giaglioffa saja **permess** a l'examen d'admissiun. En cas da dubi vegni recumandà da dumandar suenter tar Vossa persuna d'instrucziun da matematica u tar ina fatschenta spezialisada. Las soluziuns geometricas ston vegnir marcads cun color verda.

Als examens d'admissiun ston las candidatas ed ils candidats preschentar in document d'identitad valaivel (carta d'identitad, passaport u document da legitimaziun da persunas estras).

13. Exclusiun da l'examen

Il diever da meds d'agid scumandads sco er mintga malonestad chaschunan l'exclusiun dals examens d'admissiun.

14. Communicaziun da la decisiun d'examen

Tenor l'art. 14 Ordinaziun d'admissiun a las scolas medias vegn il resultat da l'examen communitgà a las candidatas ed als candidats en scrit ed en moda centrala exclusivamain tras la cumissiun dals examens d'admissiun. La communicaziun vegn fatga per posta A, cun resalva d'incaps betg previsibels, il di ch'è inditgà sin la pagina d'internet da l'Uffizi per la furmaziun media-superiura (www.ahb.gr.ch > Rumantsch > Examens d'admissiun). Il medem di a partir da las 18.00 po vegnir consultà il resultat da l'examen online sut www.zap.gr.ch. Per la consultaziun online vegnan duvradas las datas d'access ch'èn vegnidas utilisadas per l'annunzia electronica a l'examen (adresa dad e-mail e pled-clav).

15. Uras, telefonins ed ulteriurs apparats electronics

Telefonins ed ulteriurs apparats electronics ston esser ord funcziun durant ils examens d'admissiun e vegnir deponids en la bagascha. Uras ston medemamain vegnir deponidas en la bagascha. Ils locals d'examen èn munids cun uras.

16. Ulteriuras infurmaziuns

Ulteriuras infurmaziuns davart ils examens d'admissiun survegnis Vus da las singulas scolas medias dal Grischun u dal secretariat d'examen (Grabenstrasse 1, 7001 Cuira, tel. 081 257 61 70 u 081 257 61 69).

Adressas d'internet dals uffizis chantunals cumpetents:

Uffizi per la furmaziun media-superiura	http://www.ahb.gr.ch
Uffizi per la scola populara ed il sport	http://www.av.sch.ch

Adressas d'internet da las scolas medias dal Grischun cumpetentas:

Academia Engiadina Samedan, scola media	http://www.academia-engiadina.ch
Scola media chantunala Cuira (Scola chantunala grischuna)	http://www.bks-campus.ch
Center da furmaziun Surselva	http://www.bzs-surselva.ch
Scola media evangelica Schiers	http://www.ems-schiers.ch
Gimnasi ed internat Claustra da Mustér	http://www.gymnasium-kloster-disentis.ch
Institut autalpin Ftan	http://www.hif.ch

Lyceum alpinum Zuoz
Scola media svizra alpina Tavau
Fundaziun gimnasi da sport Tavau

<http://www.lyceum-alpinum.ch>
<http://www.samd.ch>
<http://www.sportgymnasium.ch>